

DATE: 28/5 / 2008

Dr M tuduh Pak Lah tak kenang budi pula

BH-28/5/2008

SUBANG: Bekas Perdana Menteri, Tun Dr Mahathir Mohamad semalam berkata beliau menyesali tindakannya membenarkan Datuk Seri Abdullah Ahmad Badawi menyertai semula Umno dan bertanding jawatan dalam parti.

Dr Mahathir yang mengumumkan keluar Umno 19 Mei lalu, turut mendakwa, Abdullah tidak tahu mengenang budinya yang membawa semula beliau (Abdullah) kembali dalam kepemimpinan Umno.

Katanya, beliau juga amat sedih kerana pemimpin dan ahli Umno sekarang ini sudah tidak lagi mengutamakan perjuangan parti sebaliknya hanya berjuang untuk mengekalkan Abdullah, kononnya jika tidak setia kepada Abdullah bererti tidak setia kepada parti.

"Dia lupa masa saya jadi Presiden dulu, dia tak setia kepada saya tetapi

saya tak tuduh dia tak setia kepada parti. Sebab itu dia boleh balik, boleh bertanding sampai jadi Naib Presiden dan Timbalan Presiden dan akhirnya Presiden.

"Inilah orang yang tak tahu kenang budi. Sepatutnya saya tak bagi dia masuk balik tapi saya benar dia masuk balik, tapi tak ada langsung seperti mana pepatah Melayu supaya selalu kenang budi 'hutang emas boleh dibayar, hutang budi dibawa sampai mati.'

"Saya tak mati lagi, dia dah bagi saya mati," katanya ketika berucap dari dalam kenderaan, di luar Terminal Persendirian Petronas, Lapangan Terbang Sultan Salahuddin Abdul Aziz Shah, di sini sejurus tiba dari Jepun kira-kira jam 6 petang semalam.

Kira-kira 300 orang menyambut kedatangan Dr Mahathir termasuk 125 ke-

tua dan setiausaha cawangan Umno dalam Bahagian Jerlun yang berulang kali melaungkan 'Hidup Tun' dan 'Hidup Mahathir'. Mereka turut membawa kain pemedang antaranya tertulis 'Teruskan Perjuangan Yang Belum Selesai', 'Selamat Pulang Perjuangan Bangsaaku' dan 'Ketua-ketua Cawangan Umno Parlimen Jerlun Tetap Setia Menyokong YB Datuk Mukhriz Tun Dr Mahathir - Teruskan Perjuanganmu.'

Turut hadir Ahli Parlimen Pasir Mas, Datuk Ibrahim Ali dan bekas Ahli Dewan Undangan Negeri Hulu Klang, Datuk Fuad Hassan.

Dr Mahathir berkata, beliau bertindak keluar Umno bukan kerana tekanan ke atasnya tetapi kerana parti dan Abdullah tidak lagi memper tahankan ahli Umno, tidak memper tahankan perjuangan Umno serta perjuangan orang Melayu dan per-

juangan negara supaya dihormati.

"Sekarang ini dengan Singapura pun takut, apalah kalau macam ini jadi pemimpin takut dengan orang," katanya.

Katanya, beliau juga amat sedih kerana pemimpin dan ahli Umno sekarang ini sudah tidak lagi mengutamakan perjuangan parti sebaliknya hanya berjuang untuk mengekalkan Abdullah, kononnya jika tidak setia kepada Abdullah bererti tidak setia kepada parti.

Sementara itu, Ketua Cawangan Umno Kampung Masjid, Kuala Sanglang, Jerlun, Rosli Abdul Ghani yang menganjurkan majlis sambutan itu berkata, kehadiran ketua dan setiausaha cawangan Umno dari Bahagian Jerlun itu adalah tanda sokongan kepada Dr Mahathir sebagai pemimpin yang banyak berjasa kepada negara.